

PEOPLEPLUS

VOL.1 NO:1 (28 January 2015)

Re-organizasyon Gouvernman, ankor progres

Pep Seselwa in byen akeir lanons restriktirasyon gouvernman Prezidan Michel Lendi swar, pandan ki in anons lapwentman kat nouvo minis e plizyer lezot nouvo lapwentman lo nivo Sekreter Prensipal, Sef Egzekitiv, e Konseye Minis.

Parey in deza dir oparavan, restriktirasyon i enportan pour montre kontinite, asir amelyorasyon e progresyon.

Prezidan Michel i anbank lo en nouvo lannen avek en nouvo gouvernman e in dir ki 2015 set en lot lannen travay dir. Son mesaz pour son gouvernman se kontinyen ofer en bon nivo servis dan bon moralite, avek profesy-

(Kont...lo p.2)

HERE I AM (LA MON LA)

2015

Rimer i annan sezon

Napa kalite ki lopozisyon pa pou dir swivan lanons sa nouvo kabinet, me rimer i annan sezon. Sa semenn i enn son sezon, napa nanryen ki personn i kapab fer me les bann ki nanryen fer, fer zot zafer. Kekfwa zot war en benefis ladan. Apre tou dan lasosyete, tou endividi a en

moman zot lavi zot fer fas avek sa vilen bebete.

Si rimer ti touye, en kantite dimoun dan Parti Lepep tya'n perdi lavi. Alor i ok pour zot ekrir zot bann gonaz lo bann minis ki pe kit gouvernman e bann mouvman dan diferan pos. I ok pour zot ekrir e dir nou pe koz koze mirak zofisyete gouv-

vernman. Zot abitye dir.

Prezidan Michel pa drwa personn okenn zistifikasyon pour larezon aköz in pran son letan pour anons son nouvo kabinet. I ti koz enfw letan i ti pran labar ki en endividi pa merit dan en pozisyon pour en ta lannen, aköz i donn lenpresyon ki sa dimoun pe kree en lanpir. I

enportan bouze, donn sans lezot pran diferan responsabilite. I ede anmenn amelyorasyon e progresyon. Prezidan pa kapab anpes ale okenn son zofisyete ki anvi kit zot pozisyon pour okenn rezon personnel tel ki maladi oswa pli bon loportinite ayer. I krwar dan donn loportinite dimoun.

Si ou dan Parti ou solid

Dimoun ki dan Parti Lepep zot solid. Zot konfidan. Zot lwayal. Pareyman Prezidan Parti Lepep James Michel set en dimoun ki solid, konfidan e lwayal dan son Parti. I pe donn son lenerzi pour travay pour son pei, ek son pep. I pa'n detri nanryen pour personn. Zisteman, i pe travay bokou isi e aletranze pour sofgard nou bann aki. I pa fer letour, asiz nenport landrwa e zis koze. I pran son respons-

abilite o serye e fer son travay avek lonnekte pour sa pep ki'n elekte li. I pa'n trai personn dan okenn fason. I en dimoun ki annan konpasyon e ki kontan ed lezot. I pa rankinen e personnelman pa kontan traizon.

Prezidan Michel i parey nenport militan, oswa siporter sa Parti. E si okenn dimoun pe dout li, problemn i ek sa dimoun. Prezidan i preokipe dan son travay State House e lo teren ek son dimoun.

Larzan eleksyon ki zot oule

2016, lannen ki dapre Konstitisyon merit annan en eleksyon Prezidansyel, pe met detrwa dimoun anba presyon. Zot pe asiz lo sez konmsi zot pe asiz lo en ta pikan. Zot pa fer byen sonmey aswar, lespri i plen. An realite zot leksitasyon e presyon napa nanryen pour fer avek ganny eleksyon e travay pour pep Seselwa. Zot eksite pour konnen kimanyer pour ganny larzan dan sa peryod eleksyon.

Zot eksite pour profit lo lopor-

tinite ki eleksyon i anmennen pour mont lo en podyonm pour rakont detrwa zistwar, e pre-tann zot enterese avek ganny eleksyon.

Sa i lafason ki zot bat latet serten, e pour zot mont lo podyonm e kriye, se zot resi pou montre lafason ki zot in profit lo larzan eleksyon.

Pa zis nou ki war sa detrwa pe konmans mansipe. Zot in telman abitye aranz zot lili menm fason, tou dimoun i kapab predir zot manyer. Me sa pa en bon manyer.

Re-organizasyon Gouvernman, ankor progre

(Kont...p.1)

onalizm e imillite.

I'n fer zot rapel ki lepep Seselwa pe fer zot konfyans, alor zot annan en devwar pour delivre.

Prezidan Michel ki krwar dan loportinite, in osi anonse ki Minis Pierre Laporte in demisyonnen tandis ki Minis Peter Sinon ki'n sorti minis,

in ganny apwente koman depite Sekreter-Zeneral Parti Lepep.

Prezidan in remersye tou le de minis pour travay dir e bann sikse ki Sesel in fer avek zot kontribisyon. Prezidan in dir ki tou le de pou kontinyen, malgre sa, ede dan devlopman zot pei.